



D^a. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 31 de xaneiro de 2019**, adoptou o seguinte acordo:

8.- PROPOSTA DE APROBACIÓN DA MEMORIA DE TRANSPARENCIA DO CONCELLO DE VIGO, 2017-2018. EXPTE· 270/1102.

Examinadas as actuacións do expediente, dáse conta do informe-proposta de data 28/01/19, asinado pola secretaria do Goberno Local e o concelleiro-delegado de Xestión Municipal, que di o seguinte:

I.- ANTECEDENTES

A entrada en vigor da Lei 19/2013, do 9 de decembro, de Transparencia, Acceso á Información Pública e Bo Goberno supuxo un cambio de paradigma no funcionamento da administración pública, representando un cambio de modelo na xestión, na súa apertura á cidadanía, pois tal e como sinala a propia norma,

“Sólo cuando la acción de los responsables públicos se somete a escrutinio, cuando los ciudadanos pueden conocer cómo se toman las decisiones que les afectan, cómo se manejan los fondos públicos o bajo qué criterios actúan nuestras instituciones podremos hablar del inicio de un proceso en el que los poderes públicos comienzan a responder a una sociedad que es crítica, exigente y que demanda participación de los poderes públicos.”

Cambio ao que o Concello de Vigo se sumou con rapidez, pois máis aló de prescricións legais, a xestión municipal apostou por desenvolver amplamente as políticas de transparencia e goberno aberto, reforzando os medios e recursos municipais asignados a tal fin, tanto persoais como tecnolóxicos para acadar unha mellora continua dos estándares de transparencia. A dita liña de actuación foi seguida polo conxunto das áreas e servizos municipais que, dun xeito colaborativo, contribuíron a executar os traballos para garantir maiores niveles de transparencia, interiorizando o cambio cultural que se producía.

Á vista desta situación, e como unha práctica de reforzo ás políticas públicas municipais en materia de transparencia e integridade, a Concellería-Delegada de Xestión Municipal considerou conveniente implantar unha nova práctica mediante a aprobación dunha Memoria de Transparencia e Bo Goberno do Concello de Vigo, na que se puxese en valor todo o traballo realizado e se ofrecese á cidadanía toda a información sobre a xestión municipal nesta materia dun xeito claro, sistemático e estruturado, nun exercicio de rendición de contas, no cumprimento do Código de Bo Goberno Local suscrito polo Concello de Vigo, mediante acordo plenario de data 30.11.2015.

Nesta liña, por Resolución da Concellería-Delegada de Xestión Municipal de data 18.0.2018 acordouse incoar expediente administrativo para a elaboración e aprobación da “Memoria de Transparencia e Bo Goberno do Concello de Vigo” e a súa remisión á “Red de Entidades Locales por la Transparencia y Participación Ciudadana” da FEMP, nomeando instrutora do mesmo á



Copia do documento - Concello de Vigo	Data impresión: 01/02/2019 13:28	Páxina 1 de 6
Expediente 270/1102	CSV: 28EE5C-EDE435-BEE223-24HG91-6JW7BW-H1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

secretaria de Goberno Local, en canto responsable administrativa do Código de Goberno Local, memoria cuxa aprobación se propón no presente informe.

Para o bienio ao que a Memoria fai referencia, anos 2017 e 2018, o Concello de Vigo puxo en práctica os plans e previsións de traballo aprobados nos últimos anos, co obxectivo preciso de adaptar esta administración municipal ao novo escenario de administración electrónica e difusión de información por transparencia institucional, cun obxectivo ambicioso de ir máis aló das esixencias legais, superando os estándares esixidos para avanzar cara a un modelo de goberno aberto.

A política de transparencia e bo goberno no Concello de Vigo foi planificada dende o principio dun xeito transversal con implicación de todos os actores e departamentos administrativos e executivos, pilotándose a mesma dende a Alcaldía-Presidencia, coa execución asignada das accións políticas á Concellería-Delegada de Xestión Municipal e das accións administrativas á Secretaría do Goberno Local, en estreita colaboración co Servizo de Administración Electrónica, e as demais áreas e servizos municipais. Como forma de xestión, control e apoio nos avances e dificultades que se presentan, configurouse un sistema de grupos de traballo multidepartamentais de apoio aos servizos, responsables da súa propia transparencia, no modelo descrito.

II.- ESTRUCTURA E CONTIDO DA MEMORIA

A memoria de Transparencia do Concello de Vigo, estrutúrase conforme co seguinte índice

Introdución

Esta memoria

I. Publicidade Activa

A. Portal de Transparencia

- A. i. Organigrama municipal
- A. ii. Relación de Postos de Traballo (RPT)
- A. iii. Catálogo xeral de servizos municipais
- A. iv. Canles de denuncias cidadás
- A. v. Política de xestión documental
- A. vi. Listas de reserva para persoal interino
- A. vii. Outros órganos representativos
- A. viii. Inventario de bens
- A. ix. Audio dos plenos municipais
- A. x. Resolucións xudiciais que afectan ao concello
- A. xi. Vías de participación cidadá
- A. xii. Transparencia normativa
- A. xiii. Mesas de contratación



Copia do documento - Concello de Vigo

Data impresión: 01/02/2019 13:28

Páxina 2 de 6

Expediente 270/1102

CSV: 28EE5C-EDE435-BEE223-24HG91-6JW7BW-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



- A. xiv. Plataforma de Contratos del Sector Público
- A. xv. Informes automáticos en materia de contratación administrativa
- A. xvi. Rendición de contas

B. Estatísticas de uso do Portal de Transparencia

- B. i. Observatorio de Transparencia
- B. ii. Elementos máis consultados no Portal

II. Acceso á Información Pública

A. Dereito á Información Pública

B. Estatísticas das solicitudes de acceso

III. Índice de Transparencia de los Ayuntamientos (ITA) 2017

IV. Bo Goberno e Boas Prácticas Municipais

A. Bo Goberno

- Adhesión ao Código de Bo Goberno da FEMP
- Integración na Red de Entidades Locais pola Transparencia e a Participación Cidadá da FEMP

B. Boas Prácticas Municipais

- B.i. Rexistro Electrónico de Convenios do Concello de Vigo
- B.ii. Transparencia no control xudicial da actividade municipal
- B.iii. Grupo técnico de traballo de Transparencia e Acceso á Información Pública
- B.iv. Transparencia nos contratos menores
- B.v. Comité técnico do Esquema Nacional de Interoperabilidade
- B.vi. Sistema de Acceso Electrónico Electrónico Inmediato aos Expedientes da Xunta de Goberno Local polos membros da Corporación
- B.vii. Indicadores de Transparencia



Copia do documento - Concello de Vigo

Data impresión: 01/02/2019 13:28

Páxina 3 de 6

Expediente 270/1102

CSV: 28EE5C-EDE435-BEE223-24HG91-6JW7BW-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

V. Goberno Aberto

Epílogo

Nesta memoria compílanse e avalíanse os traballos na materia, en torno aos seguintes eixos:

- No primeiro punto “**I. Publicidade Activa**” expóñense as principais tarefas en canto a difusión da información municipal. O dito labor realízase a través da canle principal coa que se conta para este propósito, a plataforma electrónica de datos formada polo Portal de Transparencia con apoio do Portal Web e Sede Electrónica.

No primeiro subapartado deste punto relatamos todas as novidades que se incorporaron ao longo do ano a este portal, dende as mais modestas actualizacións de información ata a incorporación de novas seccións e contidos. Pechamos este punto cunhas estatísticas de acceso ao Portal que axudan a determinar os intereses públicos e analizar a accesibilidade da plataforma municipal.

- No segundo punto “**II. Acceso á Información Pública**” contéplanse todas as novidades que presenta o novo espazo dixital creado para a difusión e coñecemento deste dereito, así como a experiencia no exercicio do dito dereito pola cidadanía.

Ademais dos contidos agregados, relacionados no primeiro subapartado, achéganse no segundo as estatísticas recollidas en base ás solicitudes de acceso á información pública recibidas ao longo deste bienio e as resolucións que as contestan para poder apreciar o nivel de reacción deste Concello ante as peticións específicas da veciñanza.

- No terceiro punto “**III. Índice de Transparencia de los Ayuntamientos 2017**” repásase a misión acometida para mellorar na medida do posible na transparencia, someténdonos á avaliación feita por Transparencia Internacional aos grandes concellos do País, que recolle maiores estándares de transparencia, cunha breve ollada á metodoloxía e resultados definitivos, con cadro estatístico comparativo incorporado.
- O derradeiro punto “**IV. Bo Goberno e boas prácticas municipais**” versa sobre aquelas accións executadas atendendo aos principios de ética na gobernanza pública e amparo de medidas concretas encamiñadas á consecución dos principios transformadores da administración que recolle a LTAIBG. No primeiro apartado de Bo Goberno faise un repaso á adhesión ao Código de Bo Goberno da Federación Española de Municipios y Provincias (FEMP), así como a integración do Concello de Vigo na Rede de Entidades Locais pola Transparencia e a Participación Cidadá da FEMP, e no segundo, detállanse as boas prácticas municipais, recoñecidas como tal, accións xerais que normalmente ocuparon numerosos departamentos e froito dun intenso esforzo colectivo que queremos presentar como resultados da consolidación dunha cultura administrativa positiva.

Conclúe a memoria cun epílogo da proxección que esta memoria supón para o ano 2019 e accións futuras de seguimento e desenvolvemento do labor aquí reflectido.



Copia do documento - Concello de Vigo

Data impresión: 01/02/2019 13:28

Páxina 4 de 6

Expediente 270/1102

CSV: 28EE5C-EDE435-BEE223-24HG91-6JW7BW-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



III.- CONCLUSIÓNS DA MEMORIA

As análises e estudos realizados co gallo da elaboración da Memoria de Transparencia do Concello de Vigo 2017-2018, arroxaron resultados moi positivos en termos de avaliación das políticas municipais de transparencia e bo goberno, tanto o punto de vista da interiorización dunha nova cultura, pois os avances e as melloras expostas son froito do traballo colaborativo do conxunto das áreas e servizos municipais e grazas á implicación de todas ás áreas de goberno, seguindo o mandato da Alcaldía-Presidencia. Así mesmo, esta avaliación positiva faise extensiva ao uso do Portal de Transparencia por parte da cidadanía, reflectindo un aumento de usuarios entre o ano 2017 e o 2018 dun 48,20%, así como incrementos das consultas de cada elemento publicado que van dende un 70 ata un 1000%.

Neste proceso de mellora continua, contéplase o proceso de revisión e adecuación do Portal de Transparencia que se levará a cabo ao longo do ano 2019, habéndose aprobado xa en data 16.01.2019 a orde de inicio do pertinente expediente administrativo para a reestruturación e adecuación dos contidos do Portal de Transparencia do Concello de Vigo, de conformidade co Plan de Seguimento e Avaliación da transparencia e o bo goberno municipal, co compromiso do conxunto da organización para acadar os obxectivos de mellora continua en materia de transparencia e bo goberno municipal.

Coa presentación desta memoria, que será obxecto de publicación no Portal de Transparencia unha vez aprobada polo órgano competente, cúmprese tamén co obxectivo de avanzar en materia de rendición de contas, ofrecendo á cidadanía unha ferramenta holística, ampla e transversal para coñecer polo miúdo a xestión municipal, dende a obxectividade dos datos e dunha información transparente.

Polo exposto, e á vista da memoria presentada pola Secretaría de Goberno Local, na execución das competencias atribuídas por delegación a esta Concellería por Resolución de Alcaldía do 19 de xuño de 2015, e por acordo a Xunta de Goberno Local de data 4 de novembro de 2016, fórmulase á Xunta de Goberno Local a seguinte:

PROPOSTA DE ACORDO:

Primeiro.- Aprobar a Memoria de Transparencia do Concello de Vigo, correspondente ao período 2017-2018 elaborada pola Secretaria de Goberno Local, coa colaboración do conxunto das áreas e servizos municipais, e sinaladamente polo Servizo de Administración Electrónica, coa conformidade da Concellería-Delegada de Xestión Municipal.

Segundo.- Dar publicidade ao documento aprobado a través da súa publicación na Intranet municipal, a súa inserción no Portal de Transparencia do Concello de Vigo e a súa comunicación á totalidade das concellerías-delegadas de Goberno, así como ás xefaturas de áreas e servizos municipais.

Acordo

A Xunta de Goberno local aproba a proposta contida no precedente informe.



Copia do documento - Concello de Vigo

Data impresión: 01/02/2019 13:28

Páxina 5 de 6

Expediente 270/1102

CSV: 28EE5C-EDE435-BEE223-24HG91-6JW7BW-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O ALCALDE,
Abel Caballero Alvarez.



Copia do documento - Concello de Vigo

Data impresión: 01/02/2019 13:28

Páxina 6 de 6

Expediente 270/1102

CSV: 28EE5C-EDE435-BEE223-24HG91-6JW7BW-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>